

Regional News Unit AIR Aizawl

Wednesday, October 23, 2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- **Tuialhthei man sang duh loh lantir nan tukin dar 6 atang khan Mizoram Commercial Vehicle Union (MCVU) hnuai lirthei hrang hrang an tlan lo.**
- **Sorkar ruahmanna in Aizawl khawpui chhungah Mizoram State Transport Bus 14 a service tir.**
- **Prime Minister Narendra Modia chuan nizan khan BRICS Summit karlahah Russia President Vladimir Putin nen an inkawm.**
- **Prime Minister Narendra Modia leh China President Xi Jinping te chu waviinah an inkawm dawn.**



MCVU

Mizoram Commercial Vehicle Union (MCVU) huaihawtin tukin dar 6 atang khan an pawla tel lirthei hrang hrang te an ding a, tlai dar 6 thleng an ding ang.

MCVU hian tuialhthei man sang duhloh lantirnan nawrh hi an huaihawt a, hemi chungchangah hian nimin khan MCVU hruaitu te chuan Aizawl Press Club-ah Chanchinbu mite an kawm a. MCVU President Pu PC Malsawma chuan, nawrh an tum chu a tirah chuan tiam chin awm lo ti mahse Central YMA Rorel Inkhawm leh Kohhran Inkhawmpui a awm dawn avangin ngenna an dawng tih a sawi a, hei vang hian ni khat atan chauh nawrh an tum ta tih a sawi a ni.

MCVU hruaitu te chuan Mizoram kawngpui chhiat nasat ber ni a an hriat thu sawiin state pawn atanga Mizoram pan luhna mai bakah tualchhung kawng a chhe nasa a, tuialhthei man a sang ta bawk chuan nghawng a nei lo theilo tih sawiin, chawibelha tlan ai chuan loh theih lohna vanga thil phurh man tih san a ngai a nih pawhin hrethiam turin Mipui an ngen nghal tih an sawi bawk a ni.

MCVU President Pu PC Malsawma chuan Mizoram sorkarin Petrol man litre khatah cheng nga leh pawisa 56 in a ti pung leh, Diesel man cheng sarikh leh pawisa 76 a tihsan chu wavi lekhata a punna atan chuan a sang mah mah an ti a, tunlai Mizoram kawng dinhmun nen a in mil lo tih an sawi bawk a ni.

Lungawilohna lantir an huaihawt hi Hriat theih chinah - Mizoram Taxi Assn, Aizawl Two Wheeler Taxi Assn, All Mizoram Commercial Tipper Assn, Mizoram Indane Drivers Welfare, Mizoram Distributor Assn, Champhai District Auto Rickshaw Owner Assn, Serchhip District Truck Owner Assn, Leitan Auto Rickshaw Welfare te chuan an thlawp dawn lo a ni.

Hetihlai hian Home minister Pu K. Sapdanga chuan, nimin tlai khan Mizoram Commercial Vehicle Union-te chu nuar lo turin a ngen nawn a.

Chanchinbu mite a kawmnaah Pu K. Sapdanga chuan Mizoram Commercial Vehicle Union chu an nuar lui a nih chuan Aizawl khawpuiah Mizoram State Transport Bus an service dawn a ti a. Two Wheeler Taxi leh Four Wheeler Taxi tan, an nawrh chhung chuan intlan chhawk a ngaih loh tur a sawi.

Home Minister chuan Commercial Vehicle Service duhte himna an ngaihtuah tur thu leh, STA permit nei an dilnaa an intiamna zawm lote tan Permit kawl reng a rem lo mai thei tih a sawi bawk a ni.

Aizawl khawpui chhung service turin Transport Dept chuan MST Bus 14 a tircchuak a, Mizoram Sorkar duhdan angin ruahmanna siam a nih thu Transport Dept thuchhuah chuan tarlangin, Bus te hi zing dar 7:30 atanga tlai lam dar 5 thleng an service ang a, minute 20 dan zelah serial number indawt danin an chhuak ang.

Kan corr report lo ngaithla ang



KOLASIB

Kolasib District Drivers & Owners Joint Action Committee hruaitute chuan Sethawn leh Kawnpui Quarry Area a kawngpui chhe zual tun thla chhunga thawm that anih loh chuan na taka hmalak an tum tih an sawi.

Kolasib a lirtheineitu leh a khalhtu pawl te hian nimin khan NHIDCL office, Kolasib College Vengah kal in, inremna an lo siam tawh anga helai kawng siamthat a ni lo chu an lungawilo hle tih an sawi a, tun ral hmaa NHIDCL ten an intiamna anga Sethawn leh Kawnpui Quarry area a kawngpui thawm that hna te hi an thawk zo lo a nih chuan, na taka hmalak an tum thu ziakin an hrilh a ni.

KD&O JAC hruaitute chuan ni 22.10.2024 thleng pawh a Sethawn leh Kawnpui quarry area ah kawngpui chhia thawm that muang lutuk leh Traffic jam a la awm fo chu an hriatthiam loh thu sawiin, lirthei vei vak leh passenger mai bak ah zirlaite thlenga harsatna an tawh nasat mai bakah kawngpui chhiat vanga lirthei chhiat phah leh accident thleng mek te chu en liam mai an tum lo tih an sawi.

NHIDCL Project Manager chuan, Vairengte leh Bilkhawthlir inkar leh Kolasib leh Kawnpui inkar te chu tun thla ni 28 atangin Balajee ten hna an thawh dawn thu leh uluk zawka vilpui turin JAC hruaitute hi a lo sawm nghal bawk.

Kolasib District Drivers & Owners JAC hruaitute leh NHIDCL te inkawm hi an boruak a sosang viau ni a an hriat thu kan corr chuan a sawi a, Balajee Project Manager te pawh he hunah hian koh tel nghal niin, JAC hruaitute hian kawng an siam that pawh vilzui zel an tum thu leh an beisei anga hmalakna a awm loh chuan khauh taka an kal tur thu an hrilh niin a sawi a ni.



MILLETS PROMOTION

Sorkar laipui Agriculture & Farmers' Welfare hnuaiia hmalakna 'Promotion of Millets in India' chu North Eastern Regional Agricultural Marketing Corporation Limited (NERAMAC) butsaihin Mizoramah hman a ni a.

Buhtun ching uar tura inzirtirna hi Aijal Club-ah nimin atang khaman tan a ni a, vawiin hian chhonzawm a ni ang. Nimin kham Agriculture minisiter Pu PC Vanlalruata chuan a hawna hun hi hmanpuiin India sorkar chuan Buhtun chin chu a ngaipawimawh hle a ti a, Mizoram hetiang inzirtirna hun a dawng thei chu lawmawm a tih thu a sawi baw.

Agriculture Minister Pu PC Vanlalruata chuan Mizoram sik leh sa nena inmil tak Buhtun chu chin uar a pawimawh thu a sawi, tun dinhmunah Mizoram sorkarin hemi atan hian hmalakna bik la nei lo mah se, sorkar laipuiin a ngaipawimawh avangin hmalakna pawh awm chho tura a beisei a ni a ti.

Aijal Club-ah hian Buhtun atanga siam chhuah thil chi hrang hrang bakah Mizo siam eitur zawrh chhuah nghal a ni a, Buhtun chungchang kan corr report lo ngaithla ang.



MIMA

Mizoram Merchant Association (MIMA), Gen. Hrqs. chuan Income Tax dept. in Mizorama sumdawngte Tax Exemption certificate a dil avangin harsatna nasa tak an taw tih an sawi.

MIMA thuchhuah tarlan danin, Mizoram chu income Tax awlna state a ni chung Income Tax dept. in online a hriattirna pein, tribal certificate, Income Tax exemption Certificate leh income tax exempt an nihna section tarlan bakah, thiam anga assessment te siama chhanna pek hnuah pawh notice pek nawn leh thin a ni an ti a, hei hian mi tam tak mangangin Chartered Accountant te ruaiin cheng singtel, nuai telte an seng a ni an ti a. Hei hi Mizo hnam hmusitnaah ngaiin MIMA chuan a ngaithiam lo tak zet an ti.

Hetiang anih avang hian Income Tax hotute lehkha thawna, chumi hnua hetiang a thleng leh zel a nih chuan Law court thleng a kal nise an ti, tih an sawi a ni.

MIMA chuan Aizawl Bazarpu New Market building chhak lam mipui kalna zim lutuk, inpelh pawh harsa khawpa awm rei ta lutuk chu mipui zah lohna ni a an hriat thu an sawi a, Hun hmasa lamah bul tanlai a nih avangin mipui hliam hlauh thuah zimte hawn a ni a. Tunah building pawh sak ani teuh tawh chungin, Contractor in chhuanlam siama mipui thil tih tlak a hlauh vang nia sawiin kawng zimte hawn reng a ni chu an ngai thiamlo tih an sawi a, helai kawng hi October thla chhunga hawn zau ngei an duh an ti a, hawn zau anih loh chuan MIMA kaihhruainain sumdawngten a hawn dan tur an ngaihtuah ang, an ti.



PM IN RUSSIA

Prime Minister Narendra Modia chuan nizan kham BRICS Summit karlakah Russia President Vladimir Putin nen an inkawm. Pu Modia chuan Russia leh Ukraine buaina awm chu remna zawnga chinfel a tul thu sawiin Indona chu buaina chingfeltu a ni lo a ti. Pu Modia chuan tunhnaia Russia a tlawh chuan ram pahnih inkara thawhdunna leh inthianthatna a lantir a ti. Russia President Vladimir Putina pawhin India sawrkarin Kazan-a Consulate hawn a tum chu a lawmawm a tih thu a sawi a.

Prime Minister Modia leh President Putin-a inkawmna chungchanga a hmuna awm kan Correspondent report ilo ngaithla ang u.

Prime Minister Narendra Modia chian Iranian President Masoud Pezeshkian a kawm dawn bawk a ni. Puan tawh angina Prime Minister Narendra Modia chuan nimin khan BRICS Summit hmang turin Kazan a thleng a. Vawiinah BRICS Summit hi tan tur a ni a, thupui atan Strengthening Multilateralism for Just Global Development and Security tih chu hman a ni..



PM MODIA AND XI JINPING

Prime Minister Narendra Modia leh China President Xi Jinping te chu vawiinah BRICS Summit karlakah an inkawm dawn. Nimin maia ram pahnihten Line of Actual Control-a sipai patrol dan tura inremna an siam avangin hruaitu pahnihte inbiakna hi a pawimawh dawn hle a. Kum nga kalta chhungin Prime Minister Modia leh Chinese President te ruahmanna kimchang tak hnuai a an inbiak leh hmasak ber a ni.



WATER

President Draupadi Murmu chuan nimin khan National Water Awards 2023 chu New Delhi-ah a sem. He award hi then then kuaa then niin lawmman dawng tu hi 38 an awm a. Heng zingah hian state, district, village panchayat, Urban Local Body, Water User Association leh Civil Society ti thate hnenah award hi hlan a ni.

Thusawiin President Murmu-i chuan sawrkar chuan ramchhunga thingtlang khua chenna in zaa 78 ah jal Jeevan Mission hnuai a tui herh haw tur a pe tawh a ti a. He Mission hi kum 2019 a bul tan anih lai khan zaa 17 chauhin tui hi an la dawng a ni a ti bawk.

Vawiina award semah hian Odisha chu pakhatna a ni a, Uttar Pradesh chu pahnihna niin Gujarat leh Puducherry ten pathumna an hauh a ni.

